

輟集去處張掛曉諭官員軍民人等知道但是使匠人等入境及到京不許人欺侮他及偷盜馬駝等物官員軍民人等買馬等項務要照依特價於會同館等衙門兩平交易不許令其出入市肆及將一應兵器出賣與他來的使臣本畏法度多因這裏住的回回達官人等教唆以致與人爭鬧今後都不許與使匠人等說話敢有違等的着錦衣衛差人體察得實都全家發邊遠充軍欽此

接買番貨

成化十五年正月二十六日掌都察院事太子太保兵部尚書兼左都御史王 題為接買番貨事該廣東按察司奏准本司巡視海道副使張詰聞問得犯人方敏招係江西饒州府浮梁縣人成化

十四年三月內敏明知有例軍民人等不許私出外洋艤接番貨不合故違商同第方祥方洪各不合依听共奏銀六百兩買得青白花碗碟盆盞等項磁器共二千八百箇用舡裝至廣城河下遇有熟識廣東揭陽縣民陳祐陳崇海陽縣民吳孟各帶青白苧麻等布亦在本處貨賣敏等訪得南海外洋有私番舡一隻出沒為因上司嚴禁無人換貨各不合其陳祐陳崇吳孟謀允雇到廣東東莞縣民梁大英亦不合依听將自造蓋式双桅槽舡一隻裝載前項磁器并布貨於本年五月二十二日間舡越過綠邊官富等處巡檢司達出外洋到於金門地方遇見私番舡一隻在彼敏等將本舡磁器并布貨兌換得胡椒二百一十二包黃蠟

一包烏木六条沉香一扁箱錫二十塊過舡番舡隨即掛蓬使出外洋不知去向敏等體舡使回裏海致被東安千戶所脩倭百戶郭慶等哨見連人舡貨物捉獲呈解巡海張副使處蒙行廣州府衛委官眼同秤盤得胡椒烏木黃蠟番錫沉香俱解送布政司官庫收貯舡隻發回南海衛改造戰舡倫倭將敏等問罪犯議得方敏方祥方洪陳祐陳榮吳梁孟大莫俱合依緣違閹塞者律杖九十徒二年半查得天順八年五月二十七日節該刑部尚書陸瑜等題將原奉

欽定榜例申明通行浙江福建廣東都布按三司并直隸衛所總督脩倭巡海等督屬一体遵奉禁約軍民人等不許打造二桅三桅大舡私出外洋按買

番貨只販私鹽等項為非如有故違事發到官照依榜例正犯处以極刑家口發邊衛充軍等因具題奉

聖旨是欽此欽遵今方敏等犯該前罪欲照榜例發落但方敏等雖係接買番貨不曾自造違式大舡梁大莫雖自造大舡止是雇與他人裝貨比之事例稍有不同除將各犯監候外具本該通政使司官奏奉

聖旨法司知道欽此欽遵抄出到院查得成化七年二月二十四日節該欽奉

聖旨有等奸頑之徒擅造違式大舡將帶違禁貨物前往番國買賣恁都察院便出榜通行曉諭禁約有犯了的即便拏問正犯以極刑家口發邊衛充軍欽



此欽遵已經脩榜通行禁約去後今該前因看得廣東按察司奏稱問得犯人方敏等俱犯該越度聞邊賊等各杖九十徒二年半參照合律其稱正犯處以極刑家口發邊衛充軍比之事例稍有不同節錄方敏等與梁大英所犯雖與事例不同終係接買番貨交通外夷人數着將各犯止照徒罪發落似乎太輕着依榜例正犯處以極刑家口發遣不無大重  
伏乞

聖明裁處具題奉

聖旨方敏等都押發廣西邊衛充軍家小隨住欽此蒙乞勅該部計議合無請給

旨意榜文順責前來陝西行都司轉發各城并平昔交易

去處常川張掛曉諭禁約今後報到番人到來賣買貨物止令都司選委的當官員照舊量帶人馬前去閱防提督軍民各出情願兩平買賣若有用強逼迫致有不平生忿者輕則听委官就彼量加懲治重則指實連人貨拿解赴官問發充軍官員之家敢有風聞到貨仍使弟男子姪軍伴家人人等私自前去挾勢用強奪利包占阻碍交易逼令減價買賣以賤為貴倍取利息取怨外夷者事發一体問發充軍合委官阿順不韋或通同強賣分利者一体治罪庶使貨易均平而彼之向慕惡上下驚惧而我之懷柔不失具題該太子少保兼兵部尚書白 等於

奉天門欽奉

聖旨該衙門知道欽此欽遵抄出得部叅看得所奏前事誠有此弊議得合無本部出給榜文前去陝西行都司轉發甘肅西寧等處各城及平昔交易去處常川張掛曉諭并巡撫甘肅右副都御史朱英并鎮守提等官兵一體嚴加禁約今後遇有番夷到來本司逗交的當官員帶領人馬前去關防提督听于軍民人等兩平交易不許權豪勢要之家主使弟男与姪家人頭目軍伴人等私自前去挾勢将好馬奇貨包收逼令減價以賤易貴及將粗重物貨并損瘦頭畜拘收取覓頭民用錢方許買賣如有此等不遵禁約者輕則就听委官量加懲治重則指實姓名連人貨拏送巡撫巡按監察御史問罪充軍若有干碍取官員而不奉通同強買分利者具

奏拏問發落夷人買賣畢日就便催促出境具題奉

聖旨是欽此

鋪行人等各夷人交易不許賒買拖騙違者從重問擬仍於會同館前枷號示衆着委官人等知情作弊一体叅問各夷故違自賒賣与人日後告理不與追給例

成化十八年十二月二十日礼部尚書等題為処置夷人交易事主客清吏司案呈批會同館呈批各夷告稱於本年七月內蒙關領賞賜外被買賣人王昇梁安張安張榮四人將各段疋官緡銀兩石頭揭硃砂等項共該銀八百六十七兩七錢取去至今不還因此延任使中人难以回还告乞怜悯轉行便益等因具告得此合行